


*Teol. 4076*

*Trydykonia Dominici: Sacramentum St. Trinitatis  
mysterium.*







SACROSANCTVM  
SS. TRINITATIS  
MYSTERIVM.

à Præceptore Angelico  
D. THOMA AQUINATE  
Quinto Ecclesiæ Doctore in Prima Parte  
Summæ Thæologicæ.

ASSERTVM, DEFENSATVM, EXPLICATVM.

Ex Vastissimis Theologicis Disputationibus.

ILLVSTRISSIMI ET REVERENDISSIMI DOMINI:

D. PETRI DE GODOY.

*Episcopi Oxomensis, Salmaticensis Vniuersitatis Cancellarij, Primariæq; Ca-  
thedræ in eadem Moderatoris, Serenissimi Hispaniarû Regis Ordinarij  
Concionatoris, Prædicatorum Ordinis.*

COLLECTVM

ILLVSTRISSIMO ET REVERENDISSIMO DOMINO:

D. STANISLAO

à S E V P O W

S Z E M B E K.

Dei & Apostolicæ Sedis Gratiâ Episcopo Dionysienſi,  
Suffraganeo, Canonico, Vicariò in Spiritualibus & Officiali  
Generali Cracouiensi &c. &c.



*Debita Gratulationis ergo Kalendis Ianuarij.*

Publicâ Mediante Disputatione.

CONSIGNATVM.

*Anno ab explicita Summæ Triadis per Verbum Incarnatum manifestatione.*

M. DC. IC. I.

CRACOVIAE Sup: Per: Typ: NICOLAI ALEXANDRI SCHEDEL S.R.M. Ord. Typogr.



M V T O M A R O S I A





ILLVSTRISIME & REVERENDISSIME D.

D. AC PATRONE

COLENDISSIME.



*D* novi anni felix faustumq; exordium *ILLVSTRISIMÆ* ac *REVERENDISSIMÆ* *Præsuleæ* Dignitati *Tuæ*, celestem deferō strenam, dum de supersubstantiali Sanctissimæ *TRINITATIS* *Ar*cano, *Theologicū* præsentō *Tractatū*. *Strena* (antiquitatū memoratissimo attestante *Festo*) à *Trino* munerum numero deducitur: & præsens *Theologica*, ab ipso *Ineffabilis TRIADIS* fonte originatur. Porro *Inclytum* *Schonbegkianæ* *Virtutis* *Stemma*, *Trino* gaudet numero, dum *Aquilarum* *Alis*, *Ibicum* proprietate, ac *Rosarum* odore, exornatur. *Aquilarum* *Alis* *NULLAVIA INVIA*. *Ibicum* motu *NULLVS VELOCIOR CVRSVS*. *Rosis* odoriferis *NULLVS ODORE PRÆSTANTIOR*. *En Summæ TRIADIS* *Mysterium*. In *Aquilarum* *Alis* *Æterni Patris* declaratur *Omnipotentia*, cui *OMNIA PERVIA*, nec est qui posset effugere *Voluntatē* eius. In *Ibicum* motu, *Filius Dei* manifestatur, qui similis *Capreæ* *hinnuloq; Ceruorum*, è sinu *Æterni Patris*, in *Virginis Immaculatissimæ* *Sinum* *Velocissimē* pro *Salute* nostra festinauit. In *Rosarum* odore figuratur *Spiritus Sanctus*, qui celestium charismatum abundantia *Vniuersam* replens *Ecclesiam*, purpureas in *Martyribus*, candidas in *Virginibus* producit *Rosas*. *Cælestia* hæc, non *terrestria* sunt muner a, à *Trino* *Increto* exemplata numero, cuius *Sacro* sub ænigmate, ad *Verticem* *Gloriæ* euolauit *Auratus* *Miles* *HENRICVS* de *SCHOBEGK* qui numeroso stipatum *Exercitu* *RVPRECHTVM REGEM* *Apuliæ*, *Coronationē* *HENRICI VII* *Imperatoris* *Romanorum* impediētem, gloriosē fregit, à *Romano* *Capitolio* *Victor* *hostes* pepulit, *Coronationis* *Imperialis* *PATER*, *S.P.Q.R.* *Libertatis* *Defensor* acclamatus. Refulsit *Inclytus* sub hoc eodem *Sacro* numero in *Virtutis* cursu *PETRVS* de *SCHONBEGK* qui *MAXIMILIANVM* *Imperatorem*, intra *Venandum* ab *Ibici-*  
bus



bus oppressum, ex euidenti mortis periculo eliberans, Maximam in  
 Vno **MAXIMILIANO** Pacē, Publicāq; salutē Vniuerso Chri-  
 stianorum Orbi conseruauit. Odore Rosarum trino, ipsā clarior famā  
 euasit **FRIDERICVS** de **SCHONBEGK** qui non parcens suæ  
 Personæ ac Substantiæ, contra **BALCONEM** Zeganensem Prin-  
 cipem, **Auxiliaribus** Copiis **CAROLVM IV** Imperatorem Ro-  
 manorum defendendo, publico in Martis theatro, purpureū Rosis ad-  
 iecit colorē Victor odoriferus. Sane **ILLVSTRISIME & RE-**  
**VERENDISIME** Præsul, Inclytum **SCHONBEGKOV-**  
**IANVM** Stemma in Te Vnico Tuorum Antecessorum trini muneris  
 collegit adunauitq; numerum. Pietatis ultra Aquilinas Tibi adapta-  
 sti Alas, ut ad Culmen Dionysiensis Præsulatus euolares. Cursum  
 Ibicum emulatus es, ut extra maturam adhuc positus ætatem, matu-  
 rā refulgeres Prudentiā, Iudicio, ac Supremi Tribunalis Regni Sen-  
 tentiā irrefragabili, nunc Ecclesiæ, nunc Innocentiæ accellerando salu-  
 tem. Rosarum **ODORE** ac **DECORE** omnibus es gratissimus,  
 Comitatis, Affabilitatis, Ingenueq; Humanitatis præferens suau-  
 tatem. Quocirca hæc trina munera (quia Tua sunt) iam ter trecentis  
 possessa annis, trino Rosarum redolentia flore, trino Ibicum coadunata  
 numero, trium Romanorum Imperatorum incrementis illustrata, (est  
 quod maximum censeo) enigmatico Immense **TRIADIS** insigni-  
 ta honore, Inclytæ **SCHONBEGKOVIANÆ** donata Virtuti  
**ILLVSTRISIME & REVERENDISIME** Præsul,  
 Tuā Sacrā suscipe manu: Deus Ter Optimus Maximus Tuarū Alarū  
 Volatui perpetuā desuper Benedictionem, Tuorum Ibicum cursui sta-  
 bilem prosperitatem, Tuarum Rosarum thymiamati, **ODORIS** ac  
**DECORIS** immarcescibilem vigorem, semper munificentissimè conce-  
 dere dignetur. Seruet Te Natus Saluator quā diutissimè incolu-  
 mem, instaurandæ pietati, fouendis literis, & mihi. Ita Exopto, ita  
 Voueo, ita Exoro, ita Subscribo.

TVÆ **ILLVSTRISIMÆ & REVERENDISIMÆ DIGNITATIS.**

Exorator humilimus.

Fr. **DOMINICVS FRYDRYCHOWICZ S. T. D.**  
 Studij Generalis Regens, Ordinis Prædicatorum.



# SACROSANCTVM SS. TRINITATIS MYSTERIVM.



**D**atur in DEO Diuinarum Personarum pluralitas 2. Inter Patrem & Filium Essentiæ Unitas: 3. Et inter Spiritum Sanctum cum utroq; eiusdem Essentiæ adoratur Maiestas: 4. Suntq; tantum tres Personæ: 5. Et non plures. Totum de fide est *Primum* quidem punctum Isa: 6. acclamatur, Sanctus, Sanctus, Sanctus, (*ecce pluralitas*) Dominus Deus sabaoth (*ecce Essentia Unitas*) Et talē pluralitatē cum Unitate Diuinæ Essentiæ, in DEO requirit Peifectissima Amicitia: summa Bonitas: ac Inexhausta Felicitas: quæ tria sine extremorum distinctione reali, stare non possunt. *Secundum* habetur Ioan: 10. *Ego & Pater unum sumus.* Unitate identitatis inter prædicata absoluta: & non tantum Unitate Affectiuâ. *Tertium* Sap 1. *Esse ubiq;* competit Spiritui Sancto sicuti Patri & Filio: ibi. *Spiritus Domini repleuit orbem terrarum:* Similiter mortuorum resuscitatio Rom. 8. ac lecretorum reuelatio 1. Cor. 2. eidem æqualiter conuenit, *Quartum* in Symb. D. Athan. *Vnus ergo Pater non tres Patres, Vnus Filius non tres Filij, Vnus Spiritus Sanctus non tres Spiritus Sancti.* Quæ Propositio à SS. Patribus tanquam exclusiua habetur. *Quintum* Quia numerus Personarum constituitur secundum numerum Processionum, quæ sunt duæ, Generatio à Patre per quam producitur Filius: & Spiratio Actiua à Patre & Filio: per quam spiratur Spiritus Sanctus.

II. Processiones immanentes dantur in Diuinis. Quia Ioan 7. Christus de seipso attestatur. *Ego à Deo processi:* & Ioan. 16. de Spiritu Sancto affirmat: *Mittam vobis Spiritum veritatis.* Et tales Processiones sunt à Principio originis intrinseco, connexo absq; dependentia, coeterno & immateriali.

III. Processiones Actiuæ sunt formaliter ipsimet actus essentielles Intellectionis & Volitionis Diuinæ, prout modificati per suas Relationes in obliquo connotatas, Quia Intellectio Essentialis actiue sumpta, vt modificata per Paternitatem est propriè Viuentis à viuentē coniuncto in similitudinem naturæ generationis. Vnde Generatio seu Intellectio actualis, est forma constitutiua Patris vt Generantis: ipsa autem Paternitas est modus & complementum istius formæ.

IV. Principium *Quo* Diuinarum Processionum *Remotum*, est Essentia Diuina 2. Proximum est Intellectus & Voluntas. 3. prout suis modificantur Relationibus. *Ratio primi.* Quia Personæ Productæ assimilantur Personis Producentibus in natura *Ratio 2di.* Quia sicut quælibet natura creata medijs potentijs à se realiter distinctis est operatiua; ita & Natura Diuina medio intellectu & voluntate tanquam Potentijs à se Virtualiter distinctis est productiua intellectionis & volitionis. *Ratio tertij* Quia Principium *Quo* reale debet saltim inadæquatè distingui à termino producto: quod in Diuinis præstant Relationes in obliquo connotatæ.

V. Processio Verbi ideo est Generatio, quia Verbum procedit per intellectum ex proprio conceptu assimilatiuum 2. & Processio Spiritus Sancti ideo non est Generatio, quia procedit per voluntatem, quæ non est potentia assimilatiua. *Ratio primi.* Quia Verbum Diuinum ideo est genitum: quia est simile suo Principio in natura sibi communicata per intellectum; iam autem Intellectio sit per assimilationem; consequenter Pater æternus producendo Filium, per intellectum intendit sibi producere simile in natura, secundum esse tam Intellecti-



tellibile quàm Naturale *Ratio 2di*. Quia proprius modus operandi voluntatis, non est per assimilationem ad obiectum amatum, sed per inclinationem & propulsionem in illud, Vnde Pater & Filius vt sunt Vnus Spirator, per actum volitionis Diuinæ substantialis, vt modificatae per Relationem Spiratoris, ex vi Processionis *Ordine Intentionis* primario & per se producant Impulsum seu Amorem, qui formaliter specificat actionem volitiuam; iam autem *Ordine Executionis*, primario communicant Naturam Diuinam per Processionem.

VI. Relationes Diuinæ dantur in Deo 2. à Diuina Essentia indistinctæ tam realiter entitatiuè 3. quàm realiter modaliter 4. sed solâ ratione ratiocinaria. *Ratio primi*. Quia inter Personas Diuinas est distinctio realis, à Relatione pro-neniens. *Ratio 2di*. Quia in Diuinis esset quaternitas rerum; contra Concil: Lat: *Ratio 3tij*. Quia Persona Diuina esset composita, ex natura & ex modo realiter distincto ab illa. *Ratio 4.* Quia Essentia & Relationes prout definiuntur à viatore per conceptus inadæquatos, distinctas habent ex parte modi concipiendi definitiones; iam autem secundum quod concipiuntur à Comprehenso-re, & prout sunt in re, vnicâ adæquatâ gaudent Definitione.

VII. Essentia Diuina sub formalitate Entitatis Diuinæ transcendentalis: 2. & sub conceptu Naturæ, est de Quidditate Diuinarum Relationum. 3. ipsæq; Relationes sunt de conceptu Deitatis. 4. non Metaphysicè constitutiuo. 5. sed modificatiuè terminatiuo. *Ratio primi*. Quia Relationes Diuinæ includuntur in Essentia: sicut Abstracta in Concretis, quæ in Deo quoad rem significatam idem formaliter important, vt Deus Deitas, Pater Paternitas: non tamen quoad modum significandi. *Ratio 2di*. Quia sicut Persona Humana essentialiter includit naturam humanam, cuius est indiuidua substantia; ita Persona Diuina, essentialiter includit Naturam Diuinam, consequenter Personalitas eandem includit: quia Abstractum & Concretum in Deo sunt idem quoad rem significatam. *Ratio 3tij*. Quia Impossibile est aliquos duos dari conceptus obiectiuos, quorum vnus essentialiter includat alterum, & alter non includat ipsum. *Ratio 4ti*. Quia Relationes Diuinæ non intelliguntur primò in Essentia Diuina, cum non sint cæterorum radix. *Ratio 5ti*. Quia Essentia Diuina petit essentialiter terminari & modificari Relationibus tanquam modis inadæquatis.

VIII. Spiratio Actiua quâ Pater & Filius respiciunt Spiritum Sanctum, vt suum Correllatiuum, à se distinctum, est Relatio Realis, indistincta realiter à Paternitate & Filiatione 2. & distincta Virtualiter. *Ratio primi*. Quia inter prædictas Relationes, non obuiat oppositio Relationis. *Ratio 2di*. Quia Paternitas & Spiratio actiua, respiciunt diuersos terminos: non specificè, ergo saltem virtualiter & in Relationis ratione distinctos.

IX. Relationes Diuinæ secundum conceptum explicitum, prout Virtualiter ab Essentia distinctæ, non addunt aliquam realem perfectionem relatiuam Virtualiter distinctam à perfectione Essentiæ. Quia perfectio sumitur per ordinem ad subiectum perfectibile, inspectum *Ratione sui* per commensurationem ad illud; iam autem Relatio respicit subiectum *Ratione termini Correllatiui*, cum quo commensuratur. Et ideo Attributiona addunt perfectionem aliquam Essentiæ Diuinæ Virtualiter distinctam, quia Essentiam Diuinam respiciunt ratione sui: Tum quia cuilibet ex Personis Diuinis deficeret aliqua perfectio æqualitem tollens. T. q. Perfectum est cui nihil deest; tantum in genere dicente perfectionem: nam peccato nihil deest, in proprio genere, & tamen non potest dici *Perfectum*.

X. Relationes Diuinæ non gaudent existentis Relatiuis realiter inter se & virtualiter distinctis ab Existentia absoluta. Quia quidditas Relationum est Relatiua: & Existentia Relationum est quid absolutum; iam autem absoluta non multiplicantur ad multiplicationem Relationum. Tum quia in Deo non  
sunt



sunt tres Essentia: nec tres Natura Diuina: nec tres Deitates: nec tres rationes Increati: nec tres Aternitates: Ergo nec tres Existentia;

XI. Persona quoad suam formalitatem propriè reperitur in DEO 2. eius formale significatum est Relatio in Concreto. *Ratio primi.* Quia iuxta Symb: D. Athan: *Alia est Persona Patris: alij Filij: alia Spiritus Sancti.* Tum quia, quælibet Persona Diuina est Individuum, non *Logicum* correllatiuè se habens ad Speciem, sed *Metaphysicum* ac Incommunicabile.

XII. Subsistentia Absoluta datur in DEO vnica, tribus Personis Diuinis communicabilis 2. Nec Subsistentia vt dicit Perseitatem Independentia à sustentate 3. Sed vt dicit Perseitatem Incommunicabilitatis, multiplicatur realiter in Personis Diuinis. *Ratio primi.* Quia Subsistentia Absoluta in Perseitate consistit; iam autem DEVS tribus Personis Diuinis præintellectus, est per se existens *Vt Quod*, Perseitate excludente dependentiam à sustentante. *Ratio 2di.* Quia non multiplicatur Essentia Diuina, quæ secundum se est subsistens. Tum quia Attributa & Relationes quamuis virtualiter distinguuntur ab Essentia, & tamen in vtrisque non multiplicatur; ita pariter subsistentia vt dicit perseitatem independentia est immultiplicabilis in vtrisque. *Ratio 3ty.* Quia Subsistentia non solum dicit subsistere vnicum, sed etiam Indiuisionem & Incommunicabilitatem, quæ pertinet ad lineam Relatiuorum. Tum quia in DEO sunt tres Personæ; iam autem Persona pro formali significato, habet Relationem in Concreto, *quæ vt forma Hypostatica est Perseitatem Independentia; vt Relatio est Perseitatem Incommunicabilitatis constitutiua Personarum* inportat.

XIII. Quæ Personis competunt ratione solius Essentia, *singulariter* tantum dicuntur in Diuinis: 2. quæ solum ratione proprietatum Personarum, dicuntur *pluraliter* 3. quæ autem ratione Essentia & Proprietatum dicuntur, & *singulariter*, & *pluraliter*, prædicantur. *Ratio primi.* Quia sicut ipsa Essentia ita & tota linea absolutorum, ratione solius essentia conueniens Personis, est implurificabilis. *Ratio 2di.* Quia linea Relatiuorum plurificatur: nam in DEO tres Personæ dicuntur. *Ratio tertij.* Quia prædicatum ad vtramque lineam pertinens, iuxta illarum exegentiam debet se habere.

XIV. Nomina alia vnitatem Essentia, alia pluralitatem Personarum declarant. *Trinus & Trinitas*, declarat numerum trium Personarum sine diminutione simplicitatis vel additione inæqualitatis. *Deus, Dominus, Omnipotens*, declarant Natura & virtutis vnitatem. *Diuersus, Diuisus, Discrepans*, excluduntur à DEO, quia tollunt Diuinam vnitatem, simplicitatem, ac similitudinem.

XV. Cognoscibilitas Mysterij Sanctissimæ TRINITATIS non est rationi naturali contraria: 2. attamen nullus intellectus creatus nec Possibilitatem: 3. nec Existentiam huius Mysterij valet demonstrare. *Ratio primi.* Quia hoc Sanctissimum Mysterium, non potest esse assensui vero contrarium: nam Verum vero non potest esse contrarium; iam autem quod non est Obiecto rationis Naturalis contrarium, nec ipsi rationi Naturali potest esse contrarium. *Ratio 2di.* Quia si posset demonstrari *vt Possibile*, per rationem Naturalem, etiam posset euidenter demonstrari *Vt Existens*: quia lumine Naturali notum est, quod DEO conueniat omne Possibile, ne sit in potentia ad aliquam intrinsecam perfectionem aut Entitatem. *Ratio 3ty.* Quia Math. 16. Diuus Petrus hoc Mysterium confiteatur ex reuelatione Patris celestis: Vnde DEVS vt Vnus & Trinus, cum sit supernaturalis Entitatiuè, & in esse cognoscibilis, nullam habet à Priori aut à Posteriori connexionem cum lumine Naturali intellectus nostri.

XVI. Notiones dantur in Diuinis quinque. Quia Notio est ratio propria cognoscendi Personam Diuinam; iam autem quælibet Persona habet eiusmodi rationes proprias: Pater habet *Innascibilitatem & Paternitatem*: Filius *Filiationem*: Pater & Filius vt sunt vnum Principium Spiritus Sancti *Actiuam* & Spiritus Sanctus habet *Passiuam* spirationem.

XVII.



XVII. SACROSANCTVS ÆTERNVS PATER obtinet rationem Principij: 2. eiusq; Innascibilitas de formali importat negationem. *Ratio primi.* Quia Pater est à quo procedit Filius: iam autem Principium est à quo procedit alius. Filius tamen non dicitur *Principiatum*, quia hoc nomine, significatur minoritas & dependentia. *Ratio 2di.* Quia Innascibilitas importat negationem Effendi ab alio omnis Principij tam Productiui quàm Communicatiui; quod nulli alteri Personæ Diuinæ competere potest.

XVIII. SACROSANCTVS ÆTERNVS FILIVS est Verbum Diuinum 2. proceditq; per se in quarto modo ex cognitione Essentiæ & Paternitatis 3. Filiationis: 4. Spirationis Passivæ: 5. ac Creaturarum Possibilium comprehensione. *Primum.* de fide Ioan I. *In Principio erat Verbum, & Verbum erat apud Deum, & Deus erat Verbum.* *Ratio 2di.* Quia Verbum Diuinum procedit ex cognitione Comprehensiva Essentiæ Diuinæ: *In qua & Ex qua tanquam ex radice* cognoscibilis est Paternitas radicata; *Ratio 3tij.* Quia Verbum Diuinum, est sui expressivum: ac per cognitionem habet sibi tam Naturam Communicatam, quàm Filiationem productam: ac Sola Intellectio Essentiæ prout in Patre, est facunda ad Verbi Diuini generationem: *Sola Subiectivè*: sed non sola *Obiectivè* quia non ex solius Essentiæ, Paternitatis, sed etiam Filiationis ac Spirationis cognitione facunda, procedit Verbum. *Ratio 4ti.* Quia Verbum Diuinum procedit ex cognitione sui, prout Spiratoris, quæ Relatio Spiratoris presupponit communicatam vim spirativam: & hæc cognoscitur solum per ordinem ad Terminum spiratum: Sicut vis generatiua & creatiua ad extra per ordinem ad suum terminum cognoscitur. *Ratio 5ti.* Quia Verbum Diuinum est per se Verbum Creaturæ Possibilis; non vt *Dicentis* quia Imago ipsius non est, sed vt *Manifestati* per Verbum. Tum quia Verbum Diuinum procedit ex cognitione comprehensiva Omnipotentia, quæ ab intrinseco & essentialiter connectitur cum creaturis possibilibus, absq; dependentia ab illis.

XIX. SACROSANCTVS SPIRITVS SANCTVS procedit à Patre & Filio: 2. si non procederet à Filio, non distingueretur ab illo realiter: 3. Proprièq; Pater & Filius diligunt se Spiritu Sancto. *Primum* de fide. Ioan 15. *Cum venerit Paracletus quem ego mittam vobis à Patre.* *Ratio secundi.* Quia in Diuinis iuxta Concil: Tolet: Hoc solum numerum insinuat quòd *Ad invicem* sunt: & in hoc numero carent, quòd *Ad se.* non sunt. Quod testimonium verificatur de Relatione & prout forma Hypostatica est, & prout munus Referentis exercet. Tum quia Eo ipso quòd de facto à Relatione relative opposita, & fundata in origine, tanquam à ratione formali proveniat distinctio realis inter Filium & Spiritum Sanctum; euidenter infertur quòd ablata Processione in quacunq; Hypothesi, non potest remanere inter Vtrumq; Distinctio Realis. *Ratio tertij.* Quia Verbum *Diligere* in sua significatione importat determinatum terminum, tam specificativè quàm coniunctim significativè; ideoq; dum construitur cum Accusativo SE transitivè, importat habitudinem Diligentis ad rem Dilectam.

XX. Constitutivum Personarum Diuinarum, sunt proprietates Personales Relatiuæ: 2. prout dicunt conceptus formarum Hypostaticarum: non verò Referentium. *Ratio primi.* Quia Personæ Diuinæ aliquo sui differunt: iam autem Quæ differunt aliquo sui, habent aliquod sibi proprium quo constituentur & distinguantur. *Ratio 2di.* Quia proprietas Relatiua vt *forma Hypostatica* est, importat Primariam Perseitatem Incommunicabilitatis: iam autem vt *Referens* est importat Perseitatem secundariam Incommunicabilitatis. Et iste Supremæ Maiestatis Dominus Incommunicabilis ad intra Personaliter, vt sit ad extra nobis Communicabilis in gloria permanenter, dignetur operari efficaciter Redemptor noster IESVS CHRISTVS, cui in Vnitate Patris ac Spiritus Sancti Honor & Gloria in sæcula sæculorum, Amen.





e-  
et  
li-  
&  
ab  
ert  
ce-  
is:  
ri-  
us  
re-  
est  
n:  
io-  
ad  
ex-  
fa-  
co-  
ca-  
ra-  
um  
rae  
er-  
O-  
mi-  
on  
li-  
tus  
il:  
ero  
one  
uia  
an-  
an-  
on  
um  
ati-  
SE  
les  
Re-  
em  
di-  
por-  
im-  
aie-  
ra-  
Re-  
nor



sidr0012882

Biblioteka Jagiellońska



~~Chrysomelidae. St. affinis. nigrolineata.~~

~~Chrysomelidae. St. affinis.~~